

# من هو الله ؟ | "محاضرة" | #الجمعية\_الشرعية\_بالمصورة | د. حازم شومان

حازم شومان

الحمد لله وكفى الحمد لله وكفى وصالة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليک يرجع الامر كله. واليک يرجع الامر كله. اللهم صل على محمد وعلى آل محمد كما صليت على ابراهيم وعلى آل ابراهيم انك حميد مجيد. اللهم - 00:00:22

بارك على محمد وعلى آل محمد كما باركت على ابراهيم وعلى آل ابراهيم انك حميد مجيد. اللهم اهدنا ويسر الهدى اليانا اللهم تب علينا توبة ترضى بها عنا. اللهم انزل هداك على قلوبنا الليلة يا رب العالمين. اللهم يسر سبيلنا اليك - 00:00:52  
اللهem خذ بنواصينا اليك اخذ الكرام عليك يا ارحم الراحمين. اللهم انصر بنا الاسلام اللهم استخدمنا ولا تستبدلنا برحمةك يا ارحم الراحمين. ثم اما بعد فبادئ في بدء اخوانني في الله. يعني بتقدم بالشكر لأخي دكتور محمد علي - 00:01:12  
جزاه الله خيرا لأن هذا المقام مقامه. ومن لا يشكرا الناس لا يشكرا الله. هذا المقام مقامه ولكنه اثرني على نفسه. فجزاه الله خيرا  
واسأل الله سبحانه وتعالى ان يفتح له ابواب الدعوة الى الله في الارض جميعا. يعني بشكر الله سبحانه وتعالى سبحانه وتعالى من قبل ومن بعد وباسكر كل من - 00:01:32

ان كان سببا في هذا الدرس وهذا الاجتماع اللي احنا فيه الليلة. ما حكم المظاهرات؟ انت عايز يعني احنا لسه بنقول باسم الله الرحمن الرحيم يا اخي. انت ما شفتش اللي حصل لقناة الرحمة ولا ايها؟ الله المستعان يا اخواننا. احنا كنا - 00:01:52  
نتكلم في ايها؟ موضوع المظاهرات ده اخوانني في الله انا جاي ليه؟ وانتم جايین ليه؟ كل واحد فينا يستشعر ويجدد نيته دلوقتي مع الله. انا جاي ليه - 00:02:12

بالنسبة لي انا قضية الدعوة الى الله قضية حياة او موت. قضية ان الناس تعرف ربنا او ما تعرفوش. لأن مش قضية ان الواحد ادى درس واحد الواحد يفرح. واحد ما اتأسرش الواحد يزعل. لأن اخوانني. قضية الدعوة الى الله قضية حياة وموت. قضية انكم توصلوا لربنا قضية حياة او موت. قضية - 00:02:22

انكم تعفوا بين ايدين ربنا في التلت الاخير قضية حياة او موت. لازم تبقى دي القضية عندي وعندكم. قال تعالى فلولا نفر نفر يعني فلولا نفر من كل فرقة منهم طائفة ليتفقهوا في الدين وايه؟ ولينذرروا قومهم يعني الدعوة الى الله. يعني ربنا عبر عن - 00:02:42  
الدعوه بالجهاد والجهاد حياة وموت. يعني الموضوع اللي احنا فيه الوقت ده حياة وموت. حياة وموت. قال تعالى حريص عليكم. ربنا قال ان النبي عليه الصلاة والسلام حريص علينا. حريص عليك يعني خايف عليك. حريص على ان ايمانك يزيد ما ما ينزلش. حريص على انك لما تخرج برة المسجد وتشوف الفتنة والشهوات - 00:03:02

ايمانك ما يضعف وما يتمدش. حريص على ان ما فيش ليلة واحدة تروح منك من غير قيام بين ايدين ربنا. حريص على ان ما فيش يوم يروح منك مما من رسول الله صلى الله عليه وسلم من غير صيام لوجه الله سبحانه وتعالى حريص عليكم. خايف عليك. خايف على ايمانك. خايف على قلبك - 00:03:22

اخوانني في الله. اخوانني في الله لازم نخاف على نفسنا. لازم نخاف على بعضنا. لازم نخاف على ايماننا. اخوانني في الله. جايین ليه؟ جايین لأن مسألة الوصول لله! دي قضية حياة او موت. حياة او موت انك توصل او ما توصلش. حياة او موت انك تعرف ربنا او

ما تعرفوش. قال تعالى الله - 00:03:42

الذى خلق سبع سماوات. كل سنة ميلارات السنين الضوئية. ومن الارض مثلهن. تخيل كل الخلق المهول الرهيب ده يتنزل الامر بينهن اوامر في الرزق وفي الاجال وفي الترتيب كل ده ليه يا رب ؟ الله الذي خلق سبع سماوات - 00:04:02

ومن الارض مثلهن يتنزل الامر بينهن ليه يا رب ؟ لتعلموا ان الله على كل شيء قادر. عشان تعرف ربنا الكون ده وكم عشان تعرف ربنا كل المليارات من المجرات والنجوم عشان تعرف ربنا. كل السماوات والارض عشان تعرف ربنا. كل اللي بيحصل - 00:04:22

عشان تعرف ربنا عايزيين نعرف ربنا يا اخوانى في الله. عايزيين نعرف من هو الله. عايزيين نعبد ربنا واحدنا عارفين احنا بنعبد مين. مش بنعبد الله ما نعرفوش. عايزيين نعلم من هو الله ولن يتحدث عن الله. اعظم من الله. لن يتحدث عن الله مثل الله - 00:04:42

عشان كده درس الليلة ذلك الدرس اللي ربنا جمعنا سبحانه وتعالى هو الجامع. اللي ربنا جمعنا عليه الليلة هنتكلم عن من هو الله. مين ربنا من هو الله ؟ احنا بنعبد مين ؟ احنا الوقتي كنا واقفين بين ايدين مين ؟ والواحد وافق دلوقتي في الصلاة فكرت كده سبحان الله احنا قاعدين هنا انا هطلع اقول درس باذن الله - 00:05:02

فان اذن الله وانتم تسمعوا الدرس والسماءات مليانة مليارات الملايكة بتسبح. والكون كله بيهدف بجلال الله. احنا لما تقدع الوقتي نتكلم عن ربنا ونسمع عنه احنا يا جماعة بنعید وصل الارسال بتابع حياتنا مع المنزومة الكونية المهولة اللي كلها - 00:05:22

بجلال الله وبتهتف بتسبح الله سبحانه وتعالى. من هو الله ؟ هنتكلم يا اخوانى عن تلات ايات من كتاب الله. قلت لكم لن عن الله مثل الله سبحانه وتعالى الله نزل احسن الحديث. ما فيش كلام احسن من كلام ربنا عن ربنا. ما فيش كلام - 00:05:42

احسن من كلام ربنا هو حد هيتحدس عن الجنة ؟ احسن من خلق الجنة. حد هيتحدد عن النار احسن من خلق النار؟ سبحانه وتعالى الاية الاولى اللي احنا هنتكلم عنها الليلة وعايز قلبك يفتح لكلام الله. الوقت اللي بيتكلم مش انا. اللي بيتكلم ربنا وبيتكلم عن ربنا سبحانه وتعالى. الله - 00:06:02

يتتحدث عن نفسه. الله كلام الله عن الله. انا عايزة تعيش مع كل اية هتسمعها. وتشوف قلبك هيتفاعل مع الاية ازاي ؟ ت Shawf the kalam اللي ربنا نزل جبريل به من فوق سبع سماوات على قلب رسول الله، صلى الله عليه وسلم. عشان حياتك كلها تتغير. وعشان تعرف - 00:06:22

انت عشان تعرف وجهتك وهدفك وطريقك. الايات اللي هتناولها الليلة باذن الله سبحانه وتعالى. قال تعالى الم تروا انت لست ما شفتوش انت بعد كل اللي حواليك ده لست معين ! انت بعد كل اللي ربنا وراه لكم لست بتعاملوا تعامل العمى ! الم تروا ان الله - 00:06:42

سخر لكم ما في السماءات وما في الارض. واسبغ عليكم نعمه ظاهرة وباطنة. ومن الناس من يجادل. بعد كل ده في ناس مش عايزة تفهم. فيه ناس مش عايزة تعرف مين هو الله. قال تعالى ولو ان ما في الارض من شجرة اقلام والبحر - 00:07:02

يمده من بعده سبعة ابحر. ما نفدت كلمات الله ان الله عزيز حكيم. قال قال تعالى يابني ان تك مثقال حبة من خردل فتكن في صخرة او في السماءات او في الارض - 00:07:22

يأتي بها الله يأتي بها الله. يأتي بها الله ان الله لطيف خبير. انا عايزة تعيش مع بقلبك. عايزة تعيش اية مع كل كلمة الله الله ذكرها عن نفسه سبحانه وتعالى. عايزة تعيش بقلبك مع كلام الله عن الله. قال تعالى الم - 00:07:42

ان الله سخر لكم دى يعني لما يجي لك من المانيا جهاز مسلا فتقول ده ايه ؟ قلت لك ده مصنوع عشانك ده مخصوص عشانك انا انا الجهاز ده اتصنع من المانيا مخصوص وجه عشان انا انا مين ؟ ربنا بيقول لك كل ده عشانك انت مخصوص عشانك. الكلمة دى ما اسرتش في قلبك - 00:08:02

الم تروا ان الله سخر لكم ما في السماءات وما في الارض. الم تروا في ناس معنية يا جماعة في ناس عممية في ناس ما بتشوفش في ناس رغم كل اللي حواليها من دلائل جلال الله معنية مش عايزة تشوف ولا عايزة تتعامل تعامل ناس مبصرة. الم تروا ان الله سخر كلمة سخر ديت - 00:08:22

اخواني الارض الاكبر ولا الشمس؟ الارض اصغر من الشمس بمليون وميتيين الف مرة. درجة حرارة بطن الشمس عشرين مليون درجة مئوية لو الارض اترمت جوة الشمس مش هتلحق تبقى فحمة. هتبقى تراب ورماد قبل ما تبقى فحمة. يعني الشمس دي وحش رهيب - 00:08:42

والارض دي حته طوبة صغيرة كده في الفضاء الكوني او حته رب. طب مين مسخر عشان مين؟ مين خدام لمين؟ الارض ولا الشمس؟ الشمس يا اللي بتخدم الارض. الله! يعني الشمس هي اللي بتخدم الارض. المعنى دهوت يعني كانك دخلت بلد من البلاد لقيت واحد خادم قاعد في البلد خادم. ولقيت - 00:09:02

الملك بتاع الباب ماسك الجزمة بتاعته وقعد بيروس فيها. وقاعد يلمع فيها. لا لابد مش ممكن ملك يعمل كده مع خادم الا لو كان في قوة اكتر من الملك ده اخضعت الملك ده للخادم ده. اينشتاين لو تعرفوه او لو تسمعوا عنه وشباب الايام ده عاد مثقف جدا. اينشتاين لو تعرفوه - 00:09:22

استدل بهذه الاية على وجود الله. بيقول المجرات ديت شيء رهيب في القوة. مليارات المجرات الرهيبة في القوة. ازاي دي تتسرخ للارض ازاي ؟ لما سمعت هزا الكلام قلت سبحان الله! لو كان حد خد الاية دي ووداها لainشتاين. لو كان حد خد كلمة سخر الشمس والقمر ووداها لهزا الرجل - 00:09:42

كان حصل ايه ولكن احنا قاعدين نايمين ما بنتحرکش في دينا. ما بننشرش نور كتاب الله سبحانه وتعالى. سخر يا جماعة. تخيلوا يا جماعة انتم البلد دهيت لقيتوا الخادم قاعد كده وحاطط رجل على رجل. والملك قعد يلمع له الحزاء. ورئيس الوزراء قاعد يعمل له شاي. والقائد الاعلى للقوات المسلحة - 00:10:02

البنطلون بتاعه. ازاي ؟ لابد ان فيه قوة اكتر من كل دول اخضعت دول. لده اهو ده التسخير. الظاهرة المنزلة احنا مش عارفين ناخد بالنا منها. ازاي ان ربنا حول لك كل دول لخدامين؟ كل الزواهر الكونية والشمس والقمر والنجمون والارض كل دول خدامين - 00:10:22

ازاي ؟ كل دول اتحولوا انتم عارفين يعني ايه تسخين؟ عارفين لو ربنا نزع التسخير مننا يحصل ايه ؟ السرطان ايه هو السرطان؟ ان خلية من الف مليار خلية في جسمك اتنزع منها التسخير. بس خلية لا بقت سم ولا حاجة. ولكن اتنازع منها التسخين - 00:10:42  
بقت شغالة لمصلحتها مش شغالة عشانك انت. لما خلية من الف مليار خلية في جسمك. اتنزع منها التسخير هلك الدنيا كلها مت وجالك سرطان. ده الخلية اتسع منها التسخين. ايه هو الايدز؟ حته ميكروب يحتاج عشرات الالاف من المرات يتكرر عشان يتشفاف تحت الميكروسكوب - 00:11:02

منزوع منه التسخين. دخل قطع لك جسمك. انت جوة بقك نص مليون نوع من انواع الكائنات الدقيقة. الميكروبات. لو واحد بس من نص مليون دول من نص مليون نوع كل نوع فيه بقى ما فيه من الاعداد. لو نوع واحد من النص مليون نزع منه التسخير هيبي زي الايدز جوة جسمك - 00:11:22

صاعك هيقطعلك انت ضعيف. مازا لو نزع التسخير؟ فاكرين جنون البقر؟ البقرة اللي العيل الصغير بيسوقها. البقرة بقت بتجري بلد قدامها وتقتل ناس وتقطع بطون ناس. البقرة لما نزع منها التسخير. عايزين تعرفوا يعني ايه لو نزع التسخير؟ عايزين تتخيلوا ما معنى نفع - 00:11:42

التسخير يا اخواني يوم القيمة ما هو الا تصور الكون من غير تسخير. الشمس والنجمون وال مجرات الارض والحمد والجبال هي دي يوم القيمة. يوم القيمة ما هو الا ان التسخير اتنزع مننا. فانت فوجئت ان الكون كله بقى وحوش - 00:12:02

حوش هجمة عليك. الم تروا ان الله سخر ده معناه ان دي كانت وحوش. الشمس اللي انت قاعد تتدفى في في الاشعة بتاعتها ديت لسان اللهب اللي طالع منها نص مليون كيلو متر. درجة حرارة باطنها عشرين مليون درجة مئوية. بقى لها خمسة مليار سنة - 00:12:22

فقد الانفجار الواحد جوة بطنها اكتر من الاف القنابل الزرية والنووية على وجه الارض. ولسه جواها طاقة تكفي خمسة مليار سنة

كمان من الانفجارات والاضاءة. الكائن المهوول ده الوحش ده يبقى خدام عندك! ازاي! رينا خلاه! سبحان الملك! سبحان -

00:12:42

قادر. خلاه خدام عندك. الارض اللي انت واقف عليها. سرت الاف مليون طن. ملابس الاف الملايين من الاطنان عبارة عن حمم ومتفجرات وانفجارات. الارض دي تبقى حته حاجة كده قشرة انت ماشي عليها. الم تروا انتم لسة ما شفتوش! انتم لسة -  
00:13:02  
انتم ما ابصرتوش! انت قلبك لستة ما حسش رينا عمل لك ايه ؟ انت قلبك لستة ما شفش رينا قادر قد ايه ؟ انت لستة انت ما عشتتش مع جلال الله سبحانه وتعالى. الم تروا الم تروا انتم ايه ما بتشووفوش؟ الم تروا ان الله سخر لكم -  
00:13:22  
لما جم عملوا انفجار نووي تجريبي في احد الصحاري. فالانفجار عمل حفرة رهيبة ونيران بعدها لما راحوا يرشوا المنطقة لقوا عقرب طالع من قلب الحفرة اللي فيها الانفجار وماشي. ولا همه اي حاجة. الانفجار حصل في مكان العقرب والعقرب ما حصلوش حاجة.

تخيل - 00:13:42

تخيل ان كائن زي ده لو كان ربنا سلطه عليك. تخيل لو كان الغنم ربنا ركب فيها اخلاق الزئاب. كان مين يعرف يسيطر؟ يا جماعة زاهرة الخير دي من حوالينا. البهائم والجمال في عينيها عدسة مكرونة شايفاك اكبر من حجمك الحقيقي. عشان كده تلاقي الجمل او البقرة آآ -  
00:14:02

الطفل عنده خمس سنين سايقها وماشي. يعني اه لو الحمار شافك على حقيقتك. اه والله. اه لو الحمار شاف فكر حقيقتك. هيقول لك انت تركبني انا! ده انا اللي هركبك. ده انا اللي هلجمك. او ارسنك واخلص منك وخلاص. وتخلص القصة دي -  
00:14:22  
كلها. تخيل مين اللي سخر لك ده ؟ لو الهوا كان تقيل ونزل لتحت. كنا هنبقى زي البهائم ننزل على اربعة عشان تنفس. لو الهوا كان اخف وطلع لفوق. كان انت لازم تتنفس خمسة وعشرين مرة في الدقيقة. كان لازم تتنفس خمسة وعشرين مرة في الدقيقة عشان تفضل عايش. والا -  
00:14:42

لو رفضت انك تقفز عشان تاخذ النفس بتاعك وتنزل تاني. كنا عشنا حياتنا قاعددين ننط وتنزل عشان نفضل احياء بس. تخيل مين اللي سخر لك كل شهادة. انت من وانت يا اخوانى انتم قاعددين الوقتي مش عارفين. ربنا مسخر لكم جوة جسمكم ايه ؟ ربنا مسخر لكم ايه جواكم. انت عندك عض -  
00:15:02

يبكون في السانية اتنين ونص مليون كرة دم حمرا. كل سانية. عضمك ده مين اللي سخره لك؟ مين اللي سخر لك كرات الدم الحمراء تفضل تلف في جسمك تودي الاكسجين للخلايا. بتقطع كرة الدم الواحدة في اليوم قد من المنصورة للقاهرة عشر مرات -  
00:15:22  
مين اللي سخرها جوة مخك عاشق جوة مخك ميت مليار خلية شغالة ليل نهار بعدد نجوم مجرة التبانة عدد الاتصالات اللي ما بين خلايا مخك في السانية الواحدة اكتر من عدد الاتصالات. اللي ما بين قارات الارض الستة في نفس السانية -  
00:15:42  
مين اللي سخر لك جسمك ده؟ مين اللي سخر لك قلب ما بيقفش لحظة مية الف نبضة في اليوم؟ مين اللي سخر لك رئة ما بتتوقف خفشن سانية خمسة وعشرين الف نفس في اليوم. مين اللي سخر لك كل؟ بتغسل دمك ستة وتلاتين مرة في اليوم. مين اللي سخر لك -  
00:16:02

الكبد بيقوم بخمسين وزيفة في جسمك في وقت واحد. مين؟ مين اللي سخر لك تلاتين مركز في مخك؟ عشان تشوف الصورة في قمة الوضوح. مين اللي سخر لك كل ده؟ مين اللي سخر لك جسمك؟ لو نزع التسخير من جسمك هتعمل ايه -  
00:16:22  
لو نزع التسخير من حياتك هتعمل ايه ؟ وانت صغير ربنا سخر لك رحم امك. ياخد من عضتها ويدي لعضمك. ياخد من دمها ويدي لدمك ياخد من اكلها ويدي لجسمك. بعد كده اتولدت لقيت ام واب قاعددين يدعوك. سبحان الله! الساعة ثلاثة بالليل تعيط! لو ابوك جا له -  
00:16:42

مكسب صفة بعشر تلاف جنبه مش هيقوم يرد على التليفون. عشانك البيت كله يتهدب. ويفضلوا واقفين لغاية ما سيادتك تنبئه اللي سخر لك كل ده الذي سخر لك هذا الم تروا انتم لستة ما شفتوش يا جماعة لو التسخير ده موجود بس مش على حسب احتياحك كدهو يعني لو الارض -  
00:17:02

بس ابطأ من الاحتياج اللي انت عايزه. كان زمان نص الارض درجة حرارتها تلتميit درجة مئوية مولعة في اتجاه الشمس والنص  
الثاني بعيد عن الشمس متين وسبعين درجة تحت الصفر. دول يموتوا مشوينy ودول يموتوا متجمدين. ده لو ربنا بس - 00:17:22  
يعني حاجة متسخرة بس ما بقتش زي ما انت عايز. لما لما تشوف واحد بيطلع حاجة على مطلع واربعة طالع روهم بيطلعوها  
وتشوف لما ربنا ادانا البترول وجه منه البنزين ويطلع العربية في سانية تقول سبحان الذي سخر لنا هذا. لو كان رزقك زي رزق النمر -  
00:17:42

يفضل يوم يراقب في الغزال ويطلع روحه في مطاردته وممكن ما يلحقوش. لو كان رزقك كده. لو كان رزقك كده كنا احنا عملنا ايه يا  
اخواني في الله اخواني في الله الم تروا ان الله سخر لكم؟ الم تروا القوة اللي ورا التسخير دي ايه؟ التسخير ده دي وحوش. الكائنات  
دي وحوش مين اللي حولها - 00:18:02

خدماء. مين اللي حولها لخدماء بيخدمونا؟ تسخير يعني غصب عن او قهرا. لأن الكائنات دي اصلا عايزه تنقض عليك بسبب  
زنوبك. ولكن ربنا مسخرها من اجل منفعتك. وكلها تعبد الله طوعية طبعا. سبحانه وتعالى. تسخير يعني بدون اجر. يقول لك ده  
سخرة يعني من غير - 00:18:22

فلوس مين فيينا يقدر يدفع فاتورة الشمس؟ ده انت ممكن ما تعرفش تدفع فاتورة الكهرباء اللي في بيتك. مين اللي يقدر يدفع فاتورة  
نعمه واحدة؟ من نعم ربنا سبحانه وتعالى - 00:18:42

الله الم تروا ان الله سخر لكم قوة ربنا. التسخير ده بيعرفك من هو الله. ايه قوة ربنا. لو ربنا بقوته اراد انه  
ينصرك سبحانه وتعالى. قوة الله يقول لك ان الارض والشمس عشان يفضلوا مريوطين - 00:18:52

لو شلنا بقى لو لو مش من عند ربنا عايزين وكل شيء من عند الله طبعا. عايزين مليون حبل من الفولاذ كل حبل قطره خمس  
تمتار عشان يفضلوا ماسكين في بعض. ما بالك بقوة الله انت عارف ربنا يقدر يعمل لك ايه. انت - 00:19:12

انت عارف لو انت مع ربنا انت خايف من ايه؟ انت قلقانة من ايه؟ انت حزينة عشان ايه؟ انت يا جماعة متواترين ليه؟ انت يا  
جماعة مش عارفين من هو الله - 00:19:32

مش عارف مين اللي خلقك مش عارف مين اللي بيرزقك مش عارف رزقك على مين ما انتاش عارف الم تروا ان الله سخر لكم ديت  
كوفي تبقى عليكم الشمس اللي متسخرة لنا. يوم القيمة تبقى حنة نار تترمي في جهنم. تولع على البشر والعياذ بالله اللي في جهنم -  
00:19:42

بعد ما كانت والعة لك تبقى والعة والعياذ بالله على العصاة. والعياذ بالله. في حين ان ربنا بقوته ممكن يسخر لك اي حاجة. اهل ربنا  
سخر لهم الشمس. تزوروا عنفهم زات اليمين. الحديث بتاع اسق حدقة فلان. سحاب ماشي في السما. ربنا خلى السحاب -  
00:20:02

بيخدم عبد لانه من اهل الصدقه. ربنا سخر فرعون يربى موسى. الله قادر انه يسخر لك اي في انسان عشان يخدمك عشان ينصر  
الدعوة حتى لو هو عدو للدعوة. الله قادر سبحانه وتعالى. الم تروا ان الله سخر لكم - 00:20:22

ما في السماوات وما في الارض. التسخير ده لما ينزع بقى يا جماعة. شف ربنا سخر الجبال. طب شف ربنا بيقول لك ايه. ويوم نسير  
الجبال ابن نصير هي كانت تسخر كانت متسخرة بقت مسيرة عليك. نسير الجبال زي ما ملك يغضب على ناس. يقول لهم انا هصيف -  
00:20:42

تلريلكم جيش هيوريكم هيعلمكم الادب. ربنا بيقول يوم نسير الجبال. يعني جنود الله اللي هتهجم علىبني ادم يوم القيمة يوم نزع  
التسخير اول صف فيها بس هييفى الجبال. تخيل الجبال الرواسي. تنزع من جذورها وكأن تركب في جدور - 00:21:02

اه محارك نفاسة وهي بتسيير زي السحاب في كل مكان. بتطير جبال القارات الستة. جبال الارض كلها يوم نسير الجبال نسير ايه القوة  
دي يا رب! ايه القوة دي! وترى الارض بارزة. كل حاجة طلعت هتههد. كل عمارة اتبنت هتههد. كل - 00:21:22

شجرة اتزرت هتقلع. كل حاجة اترفعت هتقع. كل اللي انت يا ابن ادم قعدت تعلی فيه وتبني فيه. واعرضت عني من اجله كل ده

هتساوي في الارض وترى الارض بارزة متساوي كل حاجة بالارض. كل اللي انت عرضت عنی عشان تبنيه يا ابن ادم. كل العربيات -

00:21:42

اللي بتجري على الطريق السريع اربعة وعشرين ساعة. بتجري بتجري عشان تحصل الدنيا. كل ده هيتهد. كل ده هيروح. ويوم نسير الجبال تعال وترى الارض بارزة. الجبال هتطيح في كل اتجاه هتفني كل شيء. الجبال هتطيح في كل اتجاه هتهنئ على كل شيء -

00:22:02

تهد كل شيء. هتساوي كل شيء بالارض. وترى الارض بارزة ما عادش فيه معالم. وحشرناهم فلم نغادر منهم احد ولا واحد اتساب. ولا واحد ترك. وعرضوا على ربك صفا. زي ما المجرمين يجوا كده يتعرض. لقد جتنمونا كما -

00:22:22

معكم لما مجرم يهرب من العدالة ويقبضوا عليه ينتقل له انت كنت بتحسب انك هتهرب اديك جيت اهو اديك جيت لغاية عندي اهو وترى الارض بارزة وحشرناهم فلم نغادر منهم احدا. وعرضوا على ربك صفا. لقد جتنمونا كما -

00:22:42

اول مرة لا مال ولا فلوس ولا امكانيات ولا اجهزة ولا اي حاجة من اللي انت حصلتوها في حياتكم. لقد جتنمونا كما خلقناكم اول مرة بل زعمتم ان لن نجعل لكم موعدا. ووضع الكتاب. فترى المجرمين مشفقين مما فيه. من -

00:23:02

ما بتفييد التعظيم والتفحيم من المصائب اللي مكتوب عليهم فيه. ويقولون يا ويلتنا كلامهم في القرآن دايما. يا اما يا ويلتنا يا اما يا

حرستنا يا ويلتنا لما يشوفوا الجرائم اللي اتكلبت عليهم. زي ما ويلهم هيستحملوا العقوبة عليها ازاي؟ يا حرستنا لما -

00:23:22

اواعي الدنيا اللي فاتتهم وال عمر اللي فاتهم. ويقولون يا ويلتنا ما لهذا الكتاب! الكتاب ده عامل كده ليه! زي ما واحد يسجل على واحد

شريط يوديه في داهية بسببه فيبص وهو بيتحاكم على الشريط كده يقول الشريط ده ما يتنفسش. الشريط ده ما فيش داهية تيجي تاخده. ما لهذا الكتاب -

00:23:42

الكتاب ده عامل كده ليه؟ لا يغادر صغيرة ولا كبيرة الا احصاها. ما سابش اي حاجة عملناها. اي معصية الا وتعقبها وتعقب اثرها وتعقب نتائجها. لا يغادر صغيرة ولا كبيرة. ما هو السايب اي حاجة. الا احصاها ووجدوا -

00:24:02

عملوا حاضرة. المفاجأة وهو بيتعرض عليه اعماله. فهو بيبيص على اعمال مكتوبة. فهو مفروع يقوم الفزع يزيد ووجدوا ما عملوا حاضرة يفاجأ بقى ان في كمان صوت وصورة وان في كمان قدامه شهود قدام عينه حاضرة قدام عينيه. ولا يظلم ربك احدا. ده ده -

00:24:22

لما التسخير اتنزع لما الحاجات اللي كانت كلها بتخدمك بقت عليك. لما الجبال اللي كانت بترسى الارض كلها طاحت في كل حنة واتحولت لحقيقةها. كل ما حولنا وحوش. ربنا اللي حولهم لخدمتين لنا. ربنا اللي خلى الكون دا هو يخدمك -

00:24:42

الم تروا ان الله سخر لكم ما في السماوات وما في الارض واسبغ عليكم نعمه ظاهرة وباطنة اسبيغ يعني خلاك مش تحتاج حاجة. الصبغة اللي هي الرفاهية خلاك عايش مرفة. مرفة ليه؟ اصيغ يعني وسع -

00:25:02

الصوب السابغ الواسع يعني وسع عليك. اسبيغ عليكم نعمه ظاهرة وباطنة. يا جماعة شفافيك دي شفافيك تخيل انت من غير شفافيف. ايه يعني انا من غير شفافيف! هيبقى سنانك طالعة وشكلك مرعب. طب وايه كمان؟ لعابك هيفضل يسيل ويفضل يقع منك ويبقى

شكلك مضحك -

00:25:22

تخيل ده لو الشفافيف راحت. اللي انت ممكن مش عاوز فيها ايه. جلدك لما كنا ناخد في التشريح منز جسم الانسان. من خير الجلد منز مرعب تخيل انت منزرك بس العضلات تخيلي وشك من غير جلد. منز الوش والعضلات والعضلة اللي بداير ما يدور حوالين العين -

00:25:42

تخيل منظر من ارجل جلد تخيل ده ايه بس اسبيغ عليكم نعمة غرّاق في نعمة. ظاهرة وباطنة. ما حدش يقدر نعم ربنا لما بيتحرم منها. يعني نعمة الليل والنهر. نعمة الليل والنهر ما حدش يقدرها غير واحد اتحبس في مكان ما فيش فيه ليل ولا نهار -

00:26:02

ما يعرفش اصلا الليل والنهر. اسبيغ عليكم نعمه فيها قراءة تانية. اسبيغ عليكم نعمة ظاهرة وباطنة. كل نعمة فيها ظاهر انت مدركه باطن انت ما انتاش حاسس فيه بحاجة. ما انتاش حاسس ربنا عمل لك ايه. طب وفي النهاية ومن الناس من يجادل في الله -

بغير علم ولا هدى ولا كتاب منير. في الآخر في ناس بهایم ما بيفهموش حاجة. في ناس مش عایزین يفهموا ربنا ده عمل ایه ؟ يا اخي فکر ده انت لو قعدت تحسب نعم ربنا مش هتتعرف تحصیها. امال هتشکرها ازای ؟ يا اخي فکر احنا فينا ناس عاملین زی واحد مروح بیته - 00:26:42

فجه قدام باب الشقة کده بيطاط المفاتيح ما لقاش مفتاح شقة. الله! مفتاح الشقة راح فين ؟ لقى اید کده من بیر السلم مطلعة له مفتاح. اه المفتاح اهو الحمد - 00:27:02

وقام فاتح الشقة وداخل. بعد کده دخل الشقة عایز يروح الدولاب يفتح بقى ويغير هدومه. فيدور على مفتاح الدولاب مش موجود في مكان. مفتاح الدولاب فين لقى اید من تحت السرير مطلعة له المفتاح. اه المفتاح اهو. الحمد لله. وقام فاتح الدولاب. الله! هو فين الجانبيه اللي انا عایز اغیره؟ الجانبيه فين؟ الجانبيه راحت - 00:27:12

راحت فين ؟ لقى اید من تحت الهدوم جانبيه. الحمد لله الجانبيه لقيتها ایه ؟ اللهم ده مجنون! ده مجنون! انت قاعد تاخد وخلاص الحمد لله! انا لقيت وخلاص مش تشوف يا ابني مين اللي اداك! مش تشوف يا ابني اللي انت فيه ده جالك منين! هو خلاص لقيتها وخلاص مش تقف تفكك. الكلام ده جا لك ازای؟ ومن الناس - 00:27:32

من يجادل والعياذ بالله بعد كل هزا قال تعالى يا بني يا بني انها ان تك مثقال حبة من خردل فتكن في صخرة او في السماء او في الارض يأتي بها الله. يأتي بها الله ده شعار لحياتنا يا جماعة. يأتي بها الله. ما فيش حاجة اصعب - 00:27:52  
من انك عایز تجيب حاجة من قلب صخرة في بطن جبل؟ ما فيش حاجة ابعد. ما فيش حاجة بعد من انك عایز تجيب حاجة في المريخ او في ما فيش حاجة في السماوات. ما فيش حاجة اتوه من انك عایز تدور على حاجة تاهت في غابات الارض ومجاهيل الارض. مهما كان - 00:28:20

اعمل اللي انت عایزه صعب. مهما كانت الامنية اللي انت عایزها بعيدة. مهما كان الشيء اللي انت بتتنمأه تايه وغامض يأتي بها الله الله قادر الله قادر يا اخوانا في سورة النمل. سيدنا سليمان لما حصل احتدام الموقف بين دولة بلقيس ودولة سيدنا سليمان. سيدنا سليمان قال ايكم يأتيني - 00:28:40

عرشها. يأتيني بعرشها. فواحد قال له انا اتيك به. قبل ان يرتد اليك طرفك. سبحان الله! اذا كان فيه مخلوق قوته انه يقدر يجيب لك العرش داهوت قبل ان يرتد اليك طرفة. او مال قوة الخالق قد ايه؟ اذا كان دي قوة مخلوق او مال قوة - 00:29:00  
خالق. اذا كان فيه مخلوق يقدر ياتيك بحاجة زي اللي انت عایزها. او مال الخالق يقدر ياتيك بايه؟ سيدنا يعقوب بيقول عسى الله ان بهم جميعا. ربنا قادر مش انه يجيب لك اللي انت نفسك فيه. مش انه يحقق لك حلمك البعيد عنك. لآ. ربنا قادر يا اخوانی انه - 00:29:20

سبحانه وتعالى ان مهما كان حلمك بعيد يجيب لك كل ما بتتنمأه مرة واحدة. الله قادر. يأتي بها الله. يعني ايه يا بني ايه انت تك مثقال حبة من خردل؟ ايه مثقال حبة من خردل ديت؟ الاية ديت فاهمة عليه كتير وافق كتير وتبهرك وتزهلك - 00:29:40  
قوه الله وقدرة الله وجلال الله وعلم الله. قيمة مثقال حبة من خردل. الخردل ده نبات صغير اوی اوی خرجت في اللغة يقول لك خردلة اللحم يعني قطعوا حبت. في حديث مروي عن رسول الله صلى الله عليه وسلم. والناس بتعدى من على الصراط. الرسول عليه الصلاة والسلام - 00:30:01

يقول فمنهم الموبق بعمله اللي بيقع في جهنم والعياذ بالله. ومنهم المخدرل. قال لك المخدرل ده اللي سب الصراط بتقطعه حبت. بتمزقه حبت. ده انت لما بتجيip خلاط بيقى فيه تلات سکاکین ملویة کده. تحط فيه لحمة ولا اي حاجة. وتدوس - 00:30:21  
على الزرار بتخلیها فرافیت. بتفرم اللحمة. او مال کالایب الصراط حدتها قد ايه؟ امال کالایب الصراط لو سلطت على مخلوق تعمل فيه ايه؟ تخیل ومنهم المخدرل يتقطع حبت قد ايه؟ على کالایب الصراط والعياذ بالله. فمنهم الموبق بعمله ومنهم المخدرل - 00:30:41

فالخردل ده حاجة صغيرة جداً. يابني انها ان تك مثقال حبة من خردل اصغر حاجة تتخيلاها. فتكن في صخرة او في السماوات اهو في الارض يأتي بها الله. ايه دي ؟ ايه اللي مثقال حبة من خردل ؟ اول حاجة معا�يك. معصية السر اللي انت وقعت فيها. المعصية اللي - 00:31:01

انت اذنبت فيها. انت الوقت قدام الناس كويس وملتزم والحمد لله. لما بيتفقل عليك او ضتك يتتفقل عليك باب او ضتك في بيتك. بتعمل ايه بتقع في معا�ي شكلها ايه ؟ بترتكب جرائم بينك وبين الله قد ايه ؟ معا�ي السر اللي انت بتقع فيها. ان تك مثقال - 00:31:21

محبة من خردل لو معصية ما تتوصش معصية صغيرة. اصغر معصية في الدنيا. فتكن في صخرة انت عصيت ربنا جوة صخرة اخرج رحت جوة صخرة وعصيت ربنا جوة صخرة في قلب جبل. ما حدش شايفك. او في السماوات طلعت المريخ عصيت ربنا ورجعت - 00:31:41

مش في او ضتك مش في بيتك. او في الارض. رحت في قلب غابات الاماazon. رحت في قلب جبال الهيمالايا. رحت في قلب صحاري ما فيش رجال بظاهرتها عصيت ربنا وجيت. معصية لا لاترى. ورحت في في خفية ما فيش مخلوق ضار بك. في النهاية - 00:32:01 تلاقي نفسك يوم القيمة لما بتتطاير الصحف لما بتتفق على الميزان لما الميزان بيطلع وينزل مع مثقال الذرة من العمل في ساعتها تلاقي هذا العمل يأتي بها الله. هذه المعا�ي ربنا اتي بها على الميزان. واتحطت في كفة السينات يعني - 00:32:21 ايه ؟ يعني الميزان ده بيقى ايه ؟ يعني وزن الاعمال ده بيقى ايه ؟ يعني تخيل معنى كلمة ميزان. تخيل الميزان ده ما لم يخطر على بالك ان احصي اصلاً وما لم يخطر على بالك ان مخلوق شافه اصلاً وما لم يخطر على بالك انه ممكن بيجي في هزا الموقف كل ده - 00:32:41

يأتي بها الله. اعمالك كلها يأتي بها الله. كل سكنته وحركة في السماوات والارض يأتي بها الله. الله كل خاطرة في قلبك كل خاطرة في صدرك وانت امام الله في العرض على الله. ممکن تلاقي ربنا يحاسبك عليها. او يذكرك بها. يأتي بها الله - 00:33:01 اه الاية بتوصف لك علم ربنا. علم ربنا سبحانه وتعالى قد ايه ؟ يا اخواني قضية معا�ي السر مش قضية سهلة. قضية معا�ي السر مش قضية بسيطة. حديث سيدنا ثوبان وقضية معا�ي السر القضية لها وقفه. ان اذن الله ممکن بيقى لها وقفه - 00:33:21 طويلة بینا وبين بعض لأن الوقتي للأسف ما عدش فيه حد تقريباً ما عندوش معا�ي سر في عصر الشهوات في عصر المللذات في عصر انفجار الشهوات في عصر من الشهوات بتتناديك في كل مكان. في عصر تزايin الدنيا. في عصر عصر الزواج. أصبحت معا�ي السر اکثر ما - 00:33:38

الانتشار واصبح كسير مننا من اللي وسطنا بيقع في معا�ي محطمة له حياته محطمة له نفسيته. قضية خطيرة ولكن الحديث ثوبان والرسول عليه الصلاة والسلام بيقول لاعلمن اقواماً من امتی يأتون يوم القيمة بحسنات امثال - 00:33:58 الجبال انت عايزك تخيل جبال. الملائكة جايبة جبال تحطتها في كفة الحسنات. امثال جبال تهامة بيضاء. جبال على جبال على جبال وارض المحشر واقفة مبهورة بمین ده ؟ مین اللي كل الحسنات الجبال دي عملها ؟ وهو واقف خلاص الفردوس الاعلى خلاص - 00:34:18

ان شاء الله ده يقينا وما لو ش سينات محطوظة. وهو واقف لا يعلم اقواماً من امتی يأتون يوم القيمة بحسنات امثال جبال تهامة بيضاء. فيجعلها الله هباء منثوراً. الملائكة تجيب شوية سينات قليلة خالص. شوية سينات بسيطة - 00:34:38 مش كثير ولا حاجة وتحطتها في كفة السينات هتعمل ايه ؟ هتعمل دي قصاد جبال الحسنات ايه ؟ فما ان توضع هزه السينات القليلة حتى تنفجر الحسنات وتطيش. ليه ؟ السينات دي كانت معا�ي سر. معا�ي سر استتر بها - 00:34:58 على الله اهون الناظرين اليه. سيدنا سعيان فزع قال له يا رسول الله صفهم لنا جليهم لنا. لا نكون منهم ونحن لا ندرى. يا رسول الله احسن نكون يا رسول الله بعض عند ربنا واحنا بنحسب ان احنا الملتزمين. احسن يا رسول الله نكون ماشيين على طريق غلط. واحنا بنحسب ان احنا خلاص على وشك الوصول - 00:35:18

احسن يا رسول الله نكون بنبعد. واحنا بنحسب ان احنا بنقرب. فقال رسول الله صلى الله عليه وسلم الا انهم من جلدكم. اما الا انهم اخوانكم ومن جلدكم ويأخذون من الليل ما تأخذون. ده بيقوموا ليل - 00:35:38

اما يا رسول الله المشكلة ايه ؟ ولكنهم كانوا اذا خلوا اذا بمحارم الله انتهكوها على قد ما هو عامل ملتزم قدام الناس. على قد ما هو ابعد ما يكون لما بيبقى بينه وبين نفسه. يعني معصية السر - 00:35:55

طبيشت جبال حسنان وصدي. يبقى معصية السر دي كيفها ايه ؟ تخيل يأتي بها الله. يأتي بها الله على الميزان. يا بنى فان تك مثقال حبة من خردل. ايه يا جماعة ؟ يعني ايه مثقال حبة من خردل ؟ يعني معصية السر. ويعني اي معصية عملتها ؟ ويعني كل اعمالك - 00:36:15

ويعني كل خواطر صدرك ويعني كل حركة وساكنة في السماوات والارض وايه كمان ؟ لما الكفار انكروا البعض انكروا البعض لأنهم مش قايلين القدرة المهولة ان البعض محتاجها. مش قادرین يتخيلاوا. انت بتقولوا ان فيه بعث ؟ اه طب ازاي ؟ ازاي ؟ ربنا لما خلق الناس وما - 00:36:35

قمش مرة واحدة. الناس دلوقتي ستة ملياربني ادم على وجه الارض. ما اتخلقوش مرة واحدة. كل يوم بيتدور ربع مليونبني ادم. يبقى اتلعلوا واحدة ازاي ؟ ازاي عايزين تقعنونا ان على يوم القيمة ؟ لما بقى تعداد البشرية اللي ماتت خمسين مليار مسلا ؟ كل دول مرة واحدة هيقوموا - 00:36:55

ربنا ما ما خلقهمش مرة واحدة. يقوموا مرة واحدة ازاي ؟ سم ازاي ؟ ده كل واحد منهم اصلا لما اتلعلوا ما اتلعلش مرة واحدة. ده كان الاول وبعد كده علاقة وبعد كده مضفة وبعد كده انت عايزين تقولوا ان كل واحد كمان من الخمسين مليار دول هيبقى من تراب لبشر مرة واحدة - 00:37:15

تعالى الله عما يقولون علوا كبارا. سم انت جايين تقولوا الوقتي ان ان دول هيرجعوا تاني. ازاي بقى ؟ ده ده هيموت. وهيبقى اتراب والتراب ده هيتنقل في الدنيا ومش هيتنقل يوم ولا اتنين ولا ثلاثة. ده الاف السنين فيه ناس ماتت بقى لها الاف السنين. ماتت - 00:37:35

التراب بقى في الشرق وفي الغرب وفي الشمال وفي الجنوب. وشووية تراب اتاخدوا واتصنع منهم. ابريق انت بتتكلموا وغيرهم ماتوا اضربيهم اتفرق والتراب اتخلط في بعضه بتاع خمسين ملياربني ادم. وفي حيوانات وحشرات ماتت. وبقى التراب - 00:37:55

التراب كله دخل في بعضه. انت عايزين تقولوا ان بعد كل ده ان الحكم سبحانه قادر ان خمسين مليار في لحظة واحدة من تراب يقوموا من تحت القبور مرة واحدة. ازاي ؟ ربنا بيقول لهم لا - 00:38:15

انها ان تك مثقال حبة من خردل. ده ده لو انت اتفرمت حتى. وكل حبة منك طارت في حبة من الارض. فتقن في صخرة زرة تراب بتاعة واحد مات من خمس تلاف سنة. اترسب حواليها تراب على مدى الاف السنين. وبقت في قلب صخرة في حضن جبل. او في - 00:38:35

السماءات وزرة تراب تانية من نفس المخلوق دوت رائد الفضاء اللي كان طالع القمر جت في الجزمة بتاعتته. طلع القمر نزل على سطح القمر علط علقت في الارض بتاعة القمر ونزل الارض وسابها في السماءات. او في الارض رتاهة في الجبال والغابات والصحاري بتاعة - 00:38:55

ده انت لو خلاص تمزقتو كل ممزق. وكل زرة تراب بقت في حاجة من الحاجات دهيه يوم القيمة. ساعة ما ربنا ساعة ما بينفخ في الصور كل ذرة تراب في مكان. بتروح للمخلوق اللي كانت منه هزة الزرة. في المكان اللي - 00:39:15

كانت فيه لو كانت في كبد او في عين او في قلب ويقوم مرة اخرى بقدرة الله في مشهد مهيب. في مشهد بيأني بها الله ويدخلها في المكان اللي كانت فيه في الجسد. ان الله لطيف خبير. قدرة الله علىبعث. قدرة الله الاخوة - 00:39:35 تقول لك ربنا بيعبس الناس. بيعشر الناس. يا ابني البعض حاجة والحشر حاجة. الحشر ده لما المليارات كل واحد بيجربي في اتجاه

مفروع جمعوا كلهم قهرا على ارض معينة يتحاسبوا فيها. انما البعض ده ازاي التراب بتاع جسمك ده هيرجع لمواطن جسمك تاني.

ربنا - 00:39:55

بيقول قد علمنا ما تنقص الارض منهم. كل حته تراب بتاكلها الارض من جسمك بعد ما تموت. وعندنا كتاب حفيظ. يعني فيه كتاب

تسجل كل زرة تراب منك راحت فين ؟ تخيل علم الله وهو بيتعقب سبحانه كل - 00:40:15

قارة تراب من جسمك تفرقت في كل مكان في الارض عبر الاف السنين. ايه العلم ده ! ايه القدرة دي ! ايه القوة من من هو الله ؟ يا

اخواني. من هو الله الذي نعبده ؟ انت عارف يعني ايه ؟ يا بني انها انت - 00:40:35

مثقال حبة من خردل. يا جماعة ربنا معاني ايات القرآن ومعاني الفاظ القرآن ده عالم. انها ان تك مثقال حبة من خردل. مهما مكان

اصغر مخلوق ربنا خلقه. فيه بني ادميين وفيه فيلة وفيه حشرات وفيه فيه حاجات لا توصف من الحج. انت فكرك - 00:40:55

ان في مخلوق تابه الوقت في اي مكان في السماوات ولا في الارض في اي مكان. فكرك ان في مخلوق خرج من رقابة الله وعلم الله

اي مخلوق مهما راح اي مخلوق مهما راحش ربنا هيحبه سبحانه وتعالى. ربنا بيقول لك هتهرب مني فين ؟ هتهرب مني فين يا ايهها -

00:41:15

عاصي الى اين المهرب يا ايهها العاصي ؟ هتهرب من الله فين ؟ هتروح من ربنا فين ؟ هتهرب من ربنا في اي ملجا ؟ هتهرب بزنوبك لو

ربنا يوم القيمة ما قيدش ملائكة تسوك وسابك وجريت وهربت هتروح فين ؟ هتروح فين - 00:41:35

هتلتجي بايه ؟ من الله سبحانه وتعالى. هتلتجي بايه ؟ يأتي بها الله. علم ربنا اللي ما خرجش عنه كل سكتة حركة في السبع سماوات.

علم ربنا اللي ما خرجش عنه زرة تراب في جسمك بعد ما تموت عبر الاف السنين. علم ربنا اللي ما خرجش عنه كل معصية -

00:41:55

عملتها. علم ربنا اللي ما خرجش عنه كل حركة من جوارحك في يوم من الايام عملتها او عملتيها. علم ربنا اللي ما خرجش اي مخلوق

في السماوات او في الارض مهما راح او جه. علم ربنا اللي ما خرجش عنه اي خاطرة مرت في يوم من الايام في - 00:42:15

صدرك او اي فكرة مرت في يوم من الايام في صدرك. علم ربنا يأتي بها الله. يأتي بها الله. اخواني في الله. يأتي بها هو ده شعار

لحياتك. شعار لحياتك. الله قادر يجيب لك اي حاجة. اي يا ابني انت لست ما اتجوزتش. يا ابني يأتي بها الله. يا حبيبي يا - 00:42:35

يأتي بها الله. اخ من اخواني بيقول قبل الدرس انت يعني ايه ؟ ده انا كنت مسلاقلقان انك ما تجييش. قلت له يا عم يأتي به الله. يا عم

ربنا هيحب لك اللي انت عايزه. ما تقلقش - 00:42:55

ما تخافشي. يعني انت الوقتي ايام الامتحانات. ويا تذاكر يا تعبد ربنا. اعبد ربنا. طب والمذاكرة يأتي بها الله والمذاكرة. يا عم ما

تخافي. يا اخواني ما تقلقوش. احد احد الناس يعني كان بيذاكري ايام الامتحان فقد يقلب المذاكرة - 00:43:05

وبيذكر بقى ايه من كل حته حته كده. فبيقول يا سلام ! لو كل اللي انا زاكرته بالزات هو اللي جه في الامتحان ! عسى الله ان يأتييني

بهم جميعا ان ربنا يجيب لي كل اللي انا زاكرته والاقيه قدام عيني في الامتحان. يأتي بها الله - 00:43:24

او عى تحبط طول ما ربك هو الله. او عى تيأس طول ما مولاك هو الله. سبحانه وتعالى. قال تعالى واحد. الم تروا ان الله سخر لكم ما

في السماوات وما في الارض. واسبغ عليكم نعمه ظاهرة وباطنة. ومن الناس من يجادل. اتنين يا - 00:43:41

في انها ان تك مثقال حبة من خردل فتكن في صخرة او في السماوات او في الارض بها الله ان الله لطيف خبير. ثلاثة ولو ان ما في

الارض من شجرة اقلام - 00:44:01

والبحر يمد من بعده سبعة ابحر ما نفت كلمات الله ما نفت كلمات الله عزيز حكيم تخيل معى ! تخيل المشهد ده ! تخيل ملايين

المصانع اتعلمت ولو ان ما في الارض كل الاشكال اللي في في القارات الستة - 00:44:21

كل الاشجار غابات الاماون يقول لك ان عدد الاشجار اللي فيها لا يستطيع بشر انه يحصيه. ما فيش قدرة بشرية على الاحصاء تقدر

تعد عدد الاشجار اللي في غابات الاماون. تخيل كل الشجرة اللي في الدنيا دي كلها. والغابات والجناب. تخيل الشجر ده كله. ربنا قال

ولو ان ما في الارض من شجرة - 00:44:41

مش من شجر. قال لك عشان ربنا بيقول لغاية اخر شجرة من ايام ادم الى ان تقوم الساعة. ما فيش ولا شجرة استثنى وتخيل كل شجرة فيها كم غصن وكل غصن ينفع يبقى كم الم وجزعها لوحده يعمل كم الم. تخيل ملايين المصانع - 00:45:01

قطعت كل الشجر كل الشجر وقطعته كله. وبدأت تصنعه في شكل اقلام. استنى والبحر يمد من بعده سبعة ابحار البحر بتاعة الارض كلها بقت حبر وكمان فوق بحار الارض سبع مرات سبع اضعاف الماية اللي على وجه الارض ما تحبس. والمصانع ملايين بتعبي - 00:45:21

حبر في القلم. في قراءة تانية في الاية والبحر يمد من بعده سبعة ابحار. فيه قراءة تانية والبحر يمد من بعده سبعة ابحار. قال لك ايه الفرق؟ قال لك ولو ان ما في الارض من شجرة اقام والبحر يمد يعني لو الشجر بعقله. والبحر بقى حب. لو ولو اقعد هات كل المستحيلات اقعد اسرح بخيالك - 00:45:46

اقعد اسبح بخيالك كمان ووسع زي ما انت عايز. في النهاية والبحر يمد من بعده سبعة ابحار. وقعدوا يعبوا وبعد كده مليارات المخلوقات جت قعدت تكتب كلمات الله وكلما تتكسر وكل - 00:46:06

البحار هتنشف. وكل الحبر هيجف ولن تنفذ كلمات الله سبحانه وتعالى. ما نفذت كلمات الله. ايه كلمات الله ايه الكلمات والله يا اخوان مش تقف وتفكر مش تفتح كتاب تفسير وتشوف مش تسأل يعني ايه ما نفذت كلمات الله معاني على معاني - 00:46:26 معاني لو جينا اقلام الارض كلها اقلام شجر الارض. ومداد بحار الارض وقعدنا نكتب بها اسار قدرة الله في الكون هتنكسر القلام وتخلص البحار ومش يخلص اسار قدرة الله. لو جينا مداد بحرف - 00:46:46

في الارض واقلام شجر الارض وكتبنا بها. كتبنا بها مشاهد عظمة الله وصفات الله في الكون هتنكسر القلام وينشف الحبر ومش هيخلص. مش هيخلص مشاهد عظمة الله. لو جينا اقلام شجر الارض ومداد - 00:47:06

صحات الارض وقعدنا نكتب كل العطاءات اللي خرجت من خزائن ربنا. وقعدنا نكتب كل الطلبات اللي البشر عايزينها هتخلص المداد. هو مش بها والبحر يمد من بعده سبعة ابحار. ما نفذت كلمات الله. لو جينا اقلام شجر الارض ومداد بحار الارض - 00:47:26 ارض وقعدنا نكتب اصناف نعيم الله في الجنة. اللي اعدها للصالحين. تخيل معي وقعدت اكتب اصناف نعيم الجنة اللي ربنا عادها للصالحين هتنكسر القلام وهينشف الحبر ولن تنفذ. اصناف نعيم الجنة اللي ربنا يعديها - 00:47:46

الصالحين. لو جينا قلاب شجر الارض ومداد بحار الارض وكتبنا فيها اصناف عذاب النار. اللي ربنا اعدها في جهنم هتنكسر القلام وينفذ المداد ومش هيخلص. اصناف اصناف عذاب جهنم والعياز بالله. لو جينا يا جماعة كل ده وكتبنا معاني - 00:48:06 القرآن هيخلص المداد ومش هيمنز عجائب القرآن. لو جينا كل ده وكتبنا شواهد اسماء الله في الكون هيمنز المداد ومش هيمنز. شواهد اسماء الله في الكون. لو جينا كل ده وكتبنا علم الله. علم - 00:48:26

لا هيمنز المداد وتنكسر القلام وتتجف البحار ولن يكتب علم الله سبحانه تعالى عشان نعرف من هو الله. انت بتبعد مين؟ انت بتبعد الله ما تعرفوش ولا عارفة. عارفة ولا لا؟ لو ملك من - 00:48:46

السماءات نزل. شاف جلال ربنا في السماءات ومشاهد قدرته. ونزل وشاف ده زعلان. اصل فيه مادة صعبة. واحد يقول يا ترى انا هلحق ازاكر ولا لا؟ يا ابني توكل وقم وده قاعد لان هو مش عارف. انا مش عارف ابقي داعية. ابقي داعية ازاي؟ يا ابني تبقى داعية بكلمة كن. بس لو قلبك يستاهل ان ربنا يستفزك - 00:49:06

ويختارك. ولادي زعلانة ان ما فيش زوج صالح اتقدم. يا بنتي ده بركتين في التلت الاخير بس قومي. ويمتلئ قلبك بحسن الظن بالله هيتعجب الملائكة من حالنا والله يا جماعة. هيتعجب الملائكة من احوالنا ومن تأخرنا. من هو الله؟ من هو الله سبحانه - 00:49:26 تعالى لازم تعرف من هو الله بعد كل ده ومن الناس من يجادل في الله بغير علم والهدي يا للغباء! يا للبلاء! يا للعبط يا للمشر عارف اقول ايه تاني من هزه الصفات. كان يعني الميكروفون مقفول يا شيخ احمد - 00:49:46

المقفول الخارجي مقفول؟ طب الميكروفون الخارجي مقفول يا اخوان؟ ما تقلقوش يعني. كان آآ احد ايام الموضوع بنطاع ظهور العذراء مريم ولد الموضوع اللي انتم كنتم عارفينه ده هزه الافتکاسة فالهم يعني فيبيعملوا حوار مع واحد من ايه منهم يعني فهو

معتبر على هؤلاء القساوسة وايه الكلام - 00:50:08

اللي هم قاعدين يقولوا ايه التخريف ده ؟ فبيقول بيخرفوا فيقولوا له يعني بيقول لهم دول بيقولوا ان مريم الله. تخيلوا الضلال ثم فيه الحمد لله واحد عاقل بقى في الموضوع والحمد لله فالراجل فالناس بدأت تكمل معه. امال مريم ايه؟ قال لهم مريم ليست الها. انها - 00:50:28

الله لا حول ولا قوة الا بالله. فكروني بنكتة نكتة زمان. يقول لك واحد دكتور دخل مستشفى المجانين يدور على الايه يشوف المجانين لسه مجانيين ولا عقلوا. فلقى واحد قاعد يقول فو اركبوا الصاروخ ده ورايا. مجنون يا عيني. فوق اركبوا - 00:50:48 الطيارة دي ورايا واحد قعد يبص لهم كده وزعلان قوي. فيبيقول له في ايه؟ قال له شوية مجانيين. قال ده راكب صاروخ وقال ده راكب طيارة قال. قال له امال ايه؟ قال له ما فييش لا صاروخ ولا - 00:51:08 طردوا مجانيين قال له انت بينك عاقل قال له طبعا انا عاقل. قال له ط تعال معي المكتب عشان اكتب لك بقى على الخروج. قال له بتجيب. اركب ورايا فهي يعني انها والدة لله. ومن الناس من يجادل ما فييش فايدة. في ناس مهما حصل مش عايزيين يفهموا. في - 00:51:18

البحر اتشق قدام عينه لموسى ودخل وراك. فرعون الطفل نطق ابن ماشطة بنت فرعون قناططاً في المهد وامه بتترمى في النار ورمها. في ناس يا جماعة مش هتفهم انتم هتفهموا ولا لأن؟ الم تروا هتشوفوا - 00:51:38 ولا لأن؟ هتفتحه ولا لأن؟ اخوانى في الله. تحدسنا عن جلال الله سبحانه وتعالى. يا جماعة احنا في الدرس ده ايه؟ هدف الكلام ده ايه؟ يا اخوانى في الله - 00:51:58

ملتزمين بيدخلوا الجامعة ببيقوا ناجحين جوة الجامع. يسمع كلام الوعظ. يتأسر بكلام الوعظ. يقف يصلي. يبكي في الصلاة. ناجح. يخرج برة الجنة يشوف منكريات مش عارف يعمل معه ايه. فاشل. يروح بيته. يلاقي اسرته قاعدة قدام التليفزيون ولا قدام قناة فاسدة. عايزة يقول له ده فساد - 00:52:08

انت عايزة يدعوك مش عارف فاشل. ينزل شغله او كليته. يلاقي اصحابه واقرب الناس له بيعصوا ربنا عايزة يوعظهم. يقف معهم يحاول يغير الكلام مش عارف يغير الكلام فاشل. بيجي اعداء الاسلام يعملوا اي حاجة. يشتمنوا في رسول الله صلى الله عليه وسلم. زي يوم عشرين خمسة اللي عايزيين جراید العالم كله تمشو - 00:52:28 الرسوم المسيئة للرسول عليه الصلاة والسلام فيها. حسبنا الله ونعم الوكيل. ه تكون عليهم حسرة بازن الله. هو عايزة يعمل حاجة مش عارف يعمل ايه. مش قادر اعمل حاجة عايزة يساعد اخوانه في غزة مش قادر فاشل. ناجح في الجامع وفاشل برة الجامع. جوة الجامع نجاح وبكاء - 00:52:48

وعبادة واخشع وبرة الجامع فاشل في كل حاجة. عايزيين ننهي الحالة دي يا اخوانى. عايزيين ننهي الامر ده. عايزيين انا عايزة تبقى ناجح برة جمعوا جوة الجامع. عايزة تبقى ناجح برة زي ما انت ناجح جوة. عشان كده يا جماعة الدين مش كلام سخن وبس. الدين مش دروس سخنة وبس. عشان كده - 00:53:08

انا بتكلم من كتاب الله سبحانه وتعالى ما نفت كلمات الله. عشان كده بتكلم من كلام الله. ليه؟ لأن الكتاب ده هو اللي هيبينيك. الكتاب ده هو اللي هيخليلك انسان - 00:53:28 متكامل. الكتاب ده هو اللي هيعرفك. تعمل ايه؟ زمان كان تصور الواحد عن الدرس ان الدرس ده عبارة عن كلمتين وعظفين وخلاف سلام عليكم وعليكم السلام الواحد اكتشف لأنك برة فيه مشاكل مستنياك. برة فيه الغام فكرية مستنياك. برة فيه ابتلاءات مستنياك. برة فيه معاصر وشهوات - 00:53:38

فاتحة لك ايديها. لازم قبل ما تخرج من الجامع تبقى عارف هتعمل ايه لما تخرج. لازم نبقى ناجحين يا جماعة. انا عايزة تبقى انسان طاهر. انسان خالص ربنا بيقول عن عباد الرحمن اذا مروا باللغو مروا كراما. الكريم عكس اللئيم. اللئيم من التئام حاجة بحاجة المخلط - 00:53:58

اللي من جوة مش كريم مش صافي مش خالص. مخلط جواه بلاوي بس مش باينة. تطلع لما تيجي شهوة تعرض عليه او شبهة او فتنة امال الكريم الطاهر الخالص الصافي. اذا مرروا باللغو مرروا الكرامة. لأننا عايزك لما تخرج برة وتشوف الفتن شهوات -

00:54:18

وتشوف الفتن وتشوف المعاصي ويعرض عليك الفتنة تمر وانت ما تلوثتش وانت ما علوقش بك حاجة منها تمر نضيف تخرج من الجامع نضيف وتفضل لغاية ما تيجي الجامع نضيف. عايزين نبقى كده. عباد الرحمن في اخر سورة الفرقان. لو قريت قصتهم -

00:54:38

هتلaci رينا بيقول واذا خاطبهم الجاهلون قالوا سلاما. اذا للبيقين مش ان خاطبهم. يعني فيه جهلة هيترىقون على التزامك. فيه ناس في بيتك وببره بيتك هي حرب قابك. فيه ناس هيترىقون على الملتزمين ويحاربونهم. عباد الرحمن اياتهم بتقول لك ولا يذنون. يعني كان فيه زنا. يعني كان فيه زنا -

00:54:58

يعني كان في شرك بتقول لك والذين اذا ذكروا بآيات ربهم لم يخروا عليها صما وعميانا. يعني كان في ناس مع القرآن صم وعيي فانفقوا لم يسرفوا كان في مسرفين. كان مجتمع مش عاقل. كان مجتمع مليان شهوات. كان مجتمع فيه علمانية. كان مجتمع فيه شرك. عايشين -

00:55:18

في نفس المجتمع اللي انت عايشين فيه. ومع ذلك مرروا كراما. فضلوا ما اتوسخوش بالمجتمع ده انا عايزك تفضل نضيف. انا عايزك تفضل طاهر. ازاي؟ ايه اللي هيمحو عنك اي زلل؟ ايه اللي هيخليلك تفضل دايما طاهر؟ طاهر -

00:55:38  
هذا هو الكتاب اللي هيصنعك وهيصنعني. اخواني في لا لسه على رمضان حوالي تمانين يوم. هل تصدقون هذا؟ ان لسه على رمضان حوالي تمانين يوم انت مستوعبين الموضوع ده ولا لا؟ مستوعب ان الموضوع بينا وبين رمضان ده ايام ولا لا؟ عايزين التمانين يوم دول نستعد لرمضان. نستعد لهذا الموسم العظيم -

00:55:58

نستعد ان الایمان يتوقف في قلوبنا. نستعد باعادة علاقتنا مع كتاب الله. سبحانه وتعالى. نستعد. انا عايزك تروح. انا كل الایات اللي النهاردة من سورة لقمان لو حد منكم حافظ القرآن كلها من سورة لقمان. انا عايزك تروح تقوم الليلة بسورة لقمان تقوم بها -

00:56:18

فيها اللي رينا قال في الاول ومن الناس من يشتري لهو الحديد. ليضل عن سبيل الله. رينا بيقول لك هنا فيه ناس هتحاول تلهيك وخلاص لهو حديث فيه ناس هتحاول تضيعكم يا شباب. فيه ناس هتحاول تتوهكم. فيه ناس هتوهكم باي حاجة كورة ماشي اغاني ماشي. ملزات ماشي -

00:56:38

علمانية ماشية المهم انك تتوب. المهم انك ما تعرفش توصل لرينا. سورة لقمان رينا سبحانه وتعالى بيحذرك. وبيفقدك انه طريق واحد واحد بوجهة واحدة وهي الله سبحانه وتعالى. اوعوا تنحرفوا. ورانا مهمة شديدة جدا التمانين يوم الجايين بازن الله. ورانا مهمة مع كتاب الله -

00:56:58

من اول الليلة ان شاء الله يا اخواني كلنا نخرج هدف حياتنا كتاب الله. من كان عنده شغل دنيا. من كان عنده قدر من المذاكرة. من كان عنده ما شاء -

00:57:18

فاكر حياتك الدينية كلها مع كلام الله سبحانه وتعالى. حياتك الدينية كلها مع كتاب الله سبحانه وتعالى. عايزين نجتهد في علاقتنا بكتاب الله. في الايام بازن الله وعايزين نبدأ نرتقب قيمنا نرتقب يا اخي ما تجرب انك تصوم حتى يقال لا تفطر. ما تجربها مرة يا اخي جرب انك من اول -

00:57:28

قل بكرة كده تقعد صائم لك اسبوعين كده ولا حاجة. جربها مرة. انك تقعد صائم كده قلبك بيتفسل يوم ورا يوم. قوموا بقى يا اخواني. قوموا بقى انتفضوا انتفضوا انتفض انت عاملين زي واحد الساعة سبعة الى عشرة. والقطر الساعة سبعة وبيهزوه بيقولوا له قم يا تلحق يا ما تلحقش. قوموا بقى يا اخواني. قوموا وانتفضوا -

00:57:48

وقدم عشان نوصل لربنا سبحانه وتعالى. مش عايزين نتحسر في الآخرة على التفريط اللي احنا فرطناه في الدنيا. مش عايزين نغبن

في كتاب الله سبحانه وتعالى عزيز نقوم من اول الليلة ما تضييعش وقتك. ليه الصيف اصلا قصير جدا؟ تروح بيتك تنام لك ساعتين. تصحى تقرأ قرآن ترتل - 00:58:08

تصلي تبكي تتسلل تدعى تعاهد تنبأ تسبح تستغفر. قلبك يتغسل انت حاسب نفسك بين ايدين ربنا في الثالث الاخير. مش عزيز نخبر في صفة الثالث الاخير من الليل. اخوانى في الله - 00:58:28

اخوانى في الله يعني اجتهدت قدر وسعى ان احدثكم عن ربى سبحانه وتعالى. احنا كلنا بنلتقي وبنفترق بنجتمع على الله وبنفترق على الله سبحانه وتعالى كل واحد مننا دلوقتي انا عايز بعد الدرس انطلاق. بعد الدرس انطلاق كل واحد ينطلق لربه. يقف بين ايدين ربنا يسبح. يعيش يعني ايه - 00:58:46

سبحان الله! وانت بتقرأ سورة لقمان والكلام عن الله. اربع صفحات كلام عن الله. تعيش مع معاني جلال الله. سبحانه وتعالى باذن الله سبحانه وتعالى يعني عاهدت الله يعني ان عدت الى بيت من بيوت الله سبحانه وتعالى ان الواحد يتحدث عن جلال الله وعن عظمة الله وبفضل ومنة - 00:59:06

كان فاتحة لقائنا الكلام عن الله سبحانه وتعالى الله اعلم ما سيكون بعد هذا. يعني كلها خطوات ربنا سبحانه وتعالى يعني هو اللي بينقلنا فيها هو الذي يسركم فسأل الله سبحانه وتعالى ان يهدينا وان ييسر الهدى اليانا انه ولی ذلك القادر عليه. آ يعني بنك الدم الخيري يا اخوانى مشروع كبير جدا هيبي على - 00:59:26

مستوى مصر ان شاء الله بنك الدم الخيري يعني هيتعمل آآ يعني مجموعة كبيرة جدا من كل الفصائل من خلال شبكة النت باذن الله سبحانه وتعالى. اخوانا في بنك - 00:59:46

الدم الخيري مستنيين برة المسجد. اللي عايز يتبرع يدوهم فصيلته وبياناته. بحيس ان في اي وقت يقدروا يحتاجوه. ومن احياناها فكأنما احيا الناس جميعا لو ربنا انقر بك انسان بسبب كيس دم منك فكأنما احيا الناس جميعا. فنحرص على هذا السواب باذن الله سبحانه وتعالى - 00:59:56

يعني انا لم اتعود في يعني اي درس سابت ان انا ارد على الاسئلة. عشان كده يعني ايه آآ يعني ليس الان مقام الاجابة على آآ هذه الاسئلة ولكن يعني انا اهم حاجة عندي دلوقتي باذن الله سبحانه وتعالى ان احنا نتذكر ان باقي تمانين يوم على رمضان يعني ابدأ بقى حاول تختم لك مرتين قبل رمضان ابدأ بقى - 01:00:16

فحاول انك تقوم قومة لله سبحانه وتعالى. حاول انك تقوم قوم لله سبحانه وتعالى. لما باقراً قول الله يا ايتها المظلوم قم قم واحد ربنا ما قلش قوموا لان الدين وقتها كان لسه واحد بس. واحد بس. ومع ذلك لما قام ربنا غير الدنيا كلها - 01:00:36  
انت واحد بس ما تعرفش لما تقوم ربنا هي عمل بك ايه. انت واحد ممكن يكون ما لكش صحبة او اعوان. بس ما تعرفش عمتك ربنا هيغير بها ايه قم ما تعرفش ربنا هيفتح عليك قد ايه. قم. ما تعرفش ربنا هيصلح قلبك وهيقربك منه قد ايه؟ قم. ما تعرفش - 01:00:56

لو بدأت تجاهد الى الله ربنا هيجعل هذه الايام وبعدها موضوع رمضان ان شاء الله هيبي انطلاق في حياتك قد ايه؟ انطلاقوا يا اخوانى مش عزيز الدين كلام ولا عزيز اى حاجة احنا الوقتي عزيز نتوجه الى الله بقلوبنا بكل زرة في قلوبنا بعد ما سمعنا عن جلاله وعن قدرته وعن عظمته وعن غناه - 01:01:16

وعن قوته عزيز نرفع اكف الضراء الى الله. ونسأل الله سبحانه وتعالى اللهم اهدنا ويسير الهدى اليانا. اللهم اهدنا يا رب اللهم ثبت قلوبنا على طاعتك يا رب. اللهم اصرف قلوبنا على طاعتك يا رب. اللهم استعملنا ولا تستبدلنا - 01:01:36  
الله استخدمنا لنصرة دينك في الارض. اللهم اخرج منا دعاة وداعيات. وعباد وعابدات وعلماء وعالمات. اللهم انصر دينك واعز اوليائك. ربى اجلتنا لك صوامين. لك ذكارين. لك شكارين. اللهم - 01:01:56

ربنا اللهم ارزقنا شرف القيام بين يديك في الثالث الاخير يا رب. اللهم ارزقنا شرف قيام الليل بين يديك يا رب. اللهم اعنينا يا رب اللهم انصر اخواننا المشاهدين في غزة. اللهم ان اغلقت امامهم ابواب رحمات الارض فافتح عليهم ابواب رحمات السماء. اللهم ان -

ف لهم جند الارض فانصرهم بجند السماء. اللهم يا ربنا اللهم اقمنا على مرادك منا. اللهم قوي في رضاك عزائمنا. اللهم فرج كرباتنا. اللهم  
يسرا امورنا. اللهم اقض حوانجنا. اللهم اجعل امر الدنيا علينا يسيرا يا رب. حتى لا نشغل بها عنك يا ارحم الراحمين -  
01:02:36  
برحمتك يا ارحم الراحمين. سبحانك اللهم وبحمدك. اشهد ان لا اله الا انت. استغفرك واتوب اليك -  
01:02:56